



SLUŽBENE NOVINE

KANTONA SARAJEVO

Godina XXVII - Broj 10

Četvrtak, 10. 3. 2022. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 38. stav (2) Zakona o državnoj službi u Kantonu Sarajevo ("Službene novine Kantona Sarajevo", broj 31/16 i 45/19), na prijedlog Ministarstva pravde i uprave Kantona Sarajevo, uz pribavljeno mišljenje Agencije za državnu službu Federacije Bosne i Hercegovine Vlada Kantona Sarajevo, na 66. sjednici održanoj 24.02.2022. godine, donijela je

UREDBU

O IZMJENI I DOPUNI UREDBE O USLOVIMA, NAČINU I PROGRAMU ZA POLAGANJE ISPITA OPĆEG ZNANJA I STRUČNOG ISPITA ZA KANDIDATE ZA DRŽAVNU SLUŽBU U KANTONU SARAJEVO

Član 1.

(Izmjena i dopuna člana 31.)

- (1) U Uredbi o uslovima, načinu i programu za polaganje ispita općeg znanja i stručnog ispita za kandidate za državnu službu u Kantonu Sarajevo ("Službene novine Kantona Sarajevo", broj 8/17 i 7/18), u članu 31. stav (4), mijenja se i glasi:
"(4) Agencija objavljuje rezultate javnog konkursa i pisanim putem obavještava sve kandidate o rezultatima koji su postigli."
- (2) Iza stava (4) dodaje se novi stav (5) koji glasi:
- "(5) Obavijest iz stava (4) ovog člana, ima karakter zaključka u upravnom postupku protiv kojeg se može izjaviti žalba u kojoj odlučuje Odbor državne službe za žalbe Federacije Bosne i Hercegovine.

Član 2.

(Započeti postupci)

Konkursi objavljeni prije stupanja na snagu ove uredbe, a koji nisu okončani, okončat će se u skladu sa odredbama ove uredbe.

Član 3.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-5574-21/22
24. februara 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 20a. stav (4) Zakona o radu ("Službene novine Federacije BiH", broj 26/16 i 89/18), Vlada Kantona Sarajevo, na 66. sjednici održanoj 24.02.2022. godine, donijela je

UREDBU

O IZMJENAMA I DOPUNAMA UREDBE O POSTUPKU PRIJEMA U RADNI ODNOS U JAVNOM SEKTORU NA TERITORIJI KANTONA SARAJEVO

Član 1.

(Izmjene i dopuna člana 5.)

- (1) U Uredbi o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj 19/21) u članu 5. u stavu (1), tačka a) mijenja se i glasi:
"a) otkaza sa ponudom izmijenjenog ugovora o radu, u skladu sa Zakonom o radu ("Službene novine Federacije BiH", broj 26/16 i 89/18) i pravilnikom o radu poslodavca, osim izmjene u pogledu trajanja ugovora o radu;"
- (2) U stavu (1), tačka c) se briše.
- (3) Iza stava (6) dodaje se novi stav (7) koji glasi:
- "(7) U slučajevima kada je od strane nadležnog suda donesena pravosnažna sudska presuda, zaključena sudska ili vansudska nagodba, neće se provoditi postupak obaveznog javnog oglašavanja za prijem u radni odnos."

Član 2.

(Izmjene i dopuna člana 8.)

- (1) U članu 8. u stavu (5), iza riječi: "komisija" dodaje se riječ: "u zavisnosti od srodnosti zanimanja."
- (2) U stavu (8), riječi: "prije isteka roka za prijavu na konkurs" zamjenjuju se riječima: "dan nakon objavljivanja javnog oglasa iz člana 6. stav (1) ove uredbe".
- (3) U stavu (9) riječi: "javnog oglasa" zamjenjuju se riječima: "na web stranici".

Član 3.

(Dopuna člana 12.)

- (1) U članu 12. dodaje se novi stav (4) koji glasi:
"(4) Izuzetno od stava (3) ovog člana, u javnim ustanovama iz oblasti kulture, umjesto pismenog i usmenog ispita, u konkursnoj proceduri za radna mjesta koja su u skladu sa propisom koji uređuje pozorišnu djelatnost propisana kao umjetnička zanimanja, provodiće se samo audicija."
- (2) Dosadašnji st. (4) i (5) postaju st. (5) i (6).

Član 4.

(Izmjena i dopuna člana 13.)

- (1) U članu 13. u stavu (1) iza riječi: "Uredu", brišu se riječi: "za borbu protiv korupcije i upravljanje kvalitetom Kantona Sarajevo (u daljem tekstu: Ured)".
- (2) Iza stava (10) dodaje se novi stav (11) koji glasi:
"(11) Ukoliko poslodavac imenuje dvije ili više komisija, za svaku komisiju će se imenovati supervizor."
- (3) Dosadašnji stav (11) postaje stav (12).

Član 5.

(Dopuna člana 17.)

- U članu 17. iza stava (2) dodaje se novi stav (3) koji glasi:
"(3) Kantonalna uprava za inspeksijske poslove, Inspektorat rada, zaštite na radu i socijalne zaštite može od dana kada poslodavac objavi javni oglas u dnevnim novinama, do donošenja odluke o prijemu u radni odnos, u slučaju da utvrdi nepravilnosti koje se ne mogu na drugi način otkloniti, poništiti javni oglas."

Član 6.

(Dopuna člana 19.)

- U članu 19. iza stava (2) dodaje se novi stav (3) koji glasi:
"(3) Poslodavac je obavezan u javnom pozivu, u skladu sa propisom kojim se uređuje prednost u zapošljavanju branilaca i članova njihovih porodica u institucijama u Kantonu Sarajevo, Gradu Sarajevo i općinama na području Kantona Sarajevo, navesti dokumente koje je potrebno priložiti, kao dokaz o navedenoj prednosti."

Član 7.

(Izmjene i dopuna člana 21.)

- (1) U članu 21. u stavu (1) tačka c) mijenja se i glasi:

"c) koje ne objavi javni oglas na način predviđen čl. 6. i 7. ove uredbe;"

- (2) Iza stava (1) dodaje se novi stav (2) koji glasi:
"(2) U slučaju da je u skladu sa članom 18. ove uredbe pokrenut postupak pred drugostepenim organom ili u skladu sa članom 20. ove uredbe inspeksijski nadzor nad primjenom ove uredbe, a odgovorno lice poslodavca prije okončanja ovih postupaka, zaključi ugovor sa kandidatom sa Liste uspješnih kandidata, kazniće se novčanom kaznom u iznosu od 5.000,00 KM."
- (3) Dosadašnji st. (2), (3) i (4) postaju st. (3), (4) i (5).
- (4) Novi stav (5) mijenja se i glasi:
"(5) Novčanom kaznom u iznosu od 500,00 KM do 1.000,00 KM kaznit će se član Komisije:
a) koji postupi suprotno članu 8. stavu (6) ove uredbe;
b) koji odmah po saznanju ili najkasnije dva dana od dana saznanja za razloge izuzeća, ne zatraži izuzeće od rada u Komisiji iz razloga utvrđenih u članu 10. stav (1) ove uredbe."

Član 8.

(Započeti postupci)

Postupci prijema u radni odnos kod poslodavca, koji su započeti prije stupanja na snagu ove uredbe, okončat će se po proceduri propisanoj Uredbom o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj 19/21).

Član 9.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-5574-22/22
24. februara 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 8. stav (1) Zakona o lijekovima ("Službene novine Federacije BiH", broj 109/12) a u vezi sa tačkom XXIX Odluke o listi lijekova Kantona Sarajevo ("Službene novine Kantona Sarajevo broj 43/18, 11/21, 26/21, 28/21 i 30/21), na prijedlog ministra Ministarstva zdravstva Kantona Sarajevo, Vlada Kantona Sarajevo, na 66. sjednici održanoj 24.02.2022. godine, donijela je

**ODLUKU
O IZMJENAMA I DOPUNAMA ODLUKE O LISTI
LIJEKOVA KANTONA SARAJEVO**

I

U tabeli A lista lijekova Kantona Sarajevo - Prilog 1. ("Službene novine Kantona Sarajevo", broj 26/21, 28/21, 30/21, 4/22 i 5/22 - Ispravka) dodaje se lijek domaćeg proizvođača.